

հարցանել այլոց պարզ բանիւ՝ արար պատասխանի 'ի բարբառ Արարացոց՝ թէ հաւատով քրիստոնեայ եմք և 900 ամաց հետէ յերուսաղէմ հետեւակ Հայոց, կերակուր և հանդերձ մեր 'ի վանաց նոցին, որպէս վկայեն այլազգիք և հրեայք իսկ: Մատեան Ղաթիք և ասեն՝ քրիստոնեայ եմք և ազդ ինքնագլուխ, և 'ի լինել տարածայնութեան 'ի վերայ բանից սոցա՝ զօրացեալ Յունաց գոչէին, զի՞նչ միաբանութիւն է սոցա ընդ Հայս, զի զգլխաւոր տօնս իւրեանց ընդ Յունաց տօնեն և պատկանին նոցա, զնոյն ասէր և Դատաւորն: Քանզի յառաջագոյն մինչ դատատան լինէր 'ի Կոստանդինուպօլիս 'ի վերայ այսր խնդրոյ, Յոյնք ծախեալ գումարս ինչ, առեալ գիր 'ի Կուսակալաց Դամասկոսի. նոյնպէս և զարգիս 'ի Սիւլէյման Փաշայէ՝ լինիլ հետեւակ երից ազգաց և տեղեաց նոցին Յունաց: Եւ 'ի հարցանել վերստին բազմականաց՝ խոստովան եղեն Ղաթիք, թէ 'ի դաւանութիւնս՝ եկեղեցւոյն Հայոց և 'ի Թափօրս 'ի տաճարին Ս. Յարութեան հետեւին նոցա: Ջնոյն ասացին և Ասորիք և յաւելին եւս թէ Պատրիարքն մեր հաստատի 'ի Տէրութենէ գրով Պատրիարքին Հայոց, Իբրեւ ետես Դատաւորն թէ վրիպեցաւ 'ի խորհրդոց իւրոց, եհարց դարձեալ ցրաղմականսն, և նոքա ամենեքին լռեցին, և մի ոմն 'ի նոցանէ ասէր՝ չգիտեմ իսպառ բազմելոց: Յայնժամ Նուրի Էֆէնտի գրեաց զանուանս ժողովելոցն և ասէ երիցս՝ հարցմանս այսմիկ չգիտեմ պատասխանէք, սակայն 'ի հարցանելն այլով եղանակաւ 'ի կողմանէ Յունաց, գիտեմ խոստովանիք՝ ոչ երբէք լսեմ:

Ընդ այս զայրանային Դատաւորն և ժողովն, մանաւանդ զի տիրաբար դատէր՝ խօսէր և գրէր զամենայն ինչ, որոյ վասն զօրացաւ բարբառ Դատաւորին 'ի վերայ Նուրեայ: Եւ զինի այսր կոչեցին զայլազգի դռնապանս Սուրբ Յարութեան, որք և ասացին՝ Ղաթիք և Ասորիք 'ի տաճարի անդ 'ի Թափօրս և 'ի Ճրագալուցի Զատիկին 'ի միասին ընդ Հայոց չրջին ելանեն և մտանեն: Իսկ վասն Հապէշաց ոչ գիտեմք, զի նոքա ոչ ունին տեղի և Թափօր 'ի տաճարի անդ: Արձանագրեցան բանք երից ազգաց և վկայութիւնք դռնապանաց, եւ որոշեցաւ երից ազգաց լինել հետեւակ Հայոց, և արձակեցաւ ժողովն: